

۱ شعبان ۱۳۳۱

بازار ایرتسی

۲۴ حزیران ۱۳۲۹

عدد — ۵۲

امور اداره و تحریریه و اعلانات و ساژره
ایچون مدیر مسئوله سراحت ابدالمبدر.

عرفای امتك مقالات متصوفانه لرینه
جریده صوفیه ك صحیفه لری
آچبقدر .

جَرِیدَةُ الصُّوفِيَّةِ

شیمدیك هفته ده بر نشر او انور .

نسخه سی ۴۰ پاره در

ابونه سی : بر سنه لك اعتباريله ممالك
عثمانیه ایچون ۴۰ آاتی آبلنی ۲۵ فروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

مناقب اولیا

دن

سد سابع نقبیه

[مابعد]

« یاد کرد » عندالصوفیه سالک کلمه توحیدی حبس نفس ایله ذکر ایلمکدر . بغض دیگر نزدنده « یاد کرد » ذا کر ایچون مذکور ایله حضور حاصل اولانه قدر قلباً اسم ذات ایله یاخود نفی واثبات ایله ذکرک دوام اوزره تکرارندن عبارتدر . نسیان یاخود عقلت حاصل اولدینی صورتده مطلقاً ذکر حقندن کنایه اولمسیده جائزدر . جناب حق (واذکر ربک اذا نسیت) بیورمشدر . بعض سادات نقشبندیه نزدنده بوتعبیردن مقصود ، طریق معروف اوزره قلباً نفی واثبات ایله ذکر حق بوطریق معروفده ذا کر کوزلربنی بوموب دیشنی دیشنه ودیلنی داماغنه طونوب آغزینی قیامی وصولوغنیده طومتق صورتیله بالکزر قلباً ذکر ایتمکدرکه (لاله) نبی ایله جمیع محدثات وجودنی نفی وبتون محدثاته نظرفنا ایله نظره (الاالله) اثباتیه انجیق ذات حق اثبات ونظربقا ایله انجیق ذات حقه نظرایدزه وبعمده قلباً (محمدرسولالله) کلمه طیبه سنی تکرار ایدر .

نظم

پاک اولسه اکر ذکر ایله قلب ایچره سویدا انوار تجلیلر اولور انده هویدا
ذکر ایله سویداایده سن ایله کور پاک انوار تجلیلر اوله انده ده پیدا

§

(بازگشت) عندالصوفیه ذا کر حبس نفس ایله ذکر ایتمکده عدد وتر اوزربنه وقوف ایدوب نفسی اطلاق ایدرکن (الهی انت مقصودی ورضاک مطلوبی) جمله شریفه سنی ملاحظه ایتمکدر . چونکه بوجه نفی واثباتی تأکید وقلب ذا کرده سرنوحیدی ایراث ایدره رک نظرندده جمیع خلقک وجودنی فانی ومظاهرده واحد مطلقک وجودی ظاهر اولور وبعض صوفیه نزدنده (بازگشت) ذا کرک اثنای ذکرده اظهار عجز وتقصیر ایدره رک جناب حقه رجوع ایتمسندن کنایه در چونکه هیچ برکیمه جناب حقک اغانه سی اولمدقجه ذکره قادر اوله من (ماذکرناک حتی ذکرک یامذکور) بونک ایچون وارد اولمشدر .

نظم

بنم مقصودم اولدک سن الهی رضاک اولدی سرایم قبله کاهی
بودعوامی بنم سن ایله تصدیق که سنین جمله دعواتک کواهی

§

« نکاح داشت » عندالصوفیه سالکک اثنای ذکرده نفی واثباتک معنائی ملاحظه ایدره رک قلبی خواطر دن حفظ ایتمسندن عبارتدر .

چونکه قلبه خواطر دخول ایدرسه نتیجه ذکر اولان حضور قلب حاصل اوله ماز بومعنا وقوف قلبی به پاک قریبدر . دخول خواطر دن قلبی حفظ ایتمک صوفیه نزدنده براسر عظیمدر بوکا مقتدر اولان کیمسه صوفی تام اولور چونکه تصوف ، خواطر و افکارک دخولندن قلبی حفظ ایتمک قدرنددر . بوابکی امره قادر اولان کیمسه حقیقت قلبی بیلمش اولور وحقیقت قلبی بیان کیمسه خالقنیده بیلمش اولور نبی ذیشان حضرتلری (من عرف نفسه عرف ربه) بیورمشدر . عییدالله احرار قدس سره حضرتلری بیورمشدرکه حفظ خاطر دن مقصد سالک اصلاً خاطره گلز دیمک دکادر بلکه کان خاطره حضورینه مانع اوله من دیمکدر . بوخاطره آقان صوبه دوشمش اونه بکزرکه بواوت صوبک افسنی منع ایده من .

نظم

ایکل جمله مجاری حواسی مسدود جسمکی صوم وریاضتله ایله تضییق
اوله سین سبل خواطر لره قلبک کرداب ایتمسون چند شیاطین اتی سیرداب
جمله معلوم ایله معقولی فراموش ایله اوله انوار تجلی ایله روحک شاداب

(یاد داشت) عندالصوفیه سالکک الفاظ وخیال ملاحظه سز ذات صرفه لامثالیبه توجیه ایلمسیدر بوتوجه انجیق فناء تام وبقاء کاملدن سوکره حاصل اولور .

نظم

کوزله طور اسرار حق دایماً اشیا ده سن حق سکا اسرارینی اشیا دن ایشکار
ایله مرکز نظر ظاهرده نقش عالمه ایله باطنده همان نقاش نقشه انتظار
سمی قبل نفس وجود کائناته عارف اول عارفه نفس وجود اولدی حقیقتده شمار
پیطریرقت محمد بهاء الدین شاه نقشبند قدس سره حضرتلرندن
منقول دها اوج کله واردرکه انلرده وقوف زمانی ، وقوف عددی ،
وقوف قلبی در .

— ۱ —

(وقوف زمانی) عندالصوفیه زمان حاله اطلاع دن زمان ماضی بی محاسبه دن عبارتدر . سالکک لازمدرکه کندی اوزربنه مرور ایدن زمانه مطلع اولوب حال وکیفیتی اکر موجب شکر ومحمدت ایسه (شن شکریم لازیدنکم) آیت جلیله سنک مضمون منینی اوزره جناب حقه شکر واکر موجب عذر واستغفار انسه تضرع واستغفار ایتمی در . طالب حق اولان کیمسه علم وخیر اولان جناب حقک علمی کندیشنی محیط وایشلدیکی عمله واقف وهرسکنتات وحرکاتنه مطلع اولدیننی بیلمیدر . حضرت شاه قدس سره « سالک دایماً کندو احوالنه واقف اولوب حالی موجب شکر ویا موجب عذرمدیر بیله ، دیوآمریف ومولانا بعقوب چرخنی حضرتلربنه « قبض حالنده تضرع واستغفار وبسط حالنده ثنا محمدته ابتدار ایله ، دیو امر بیورمشدر . شوابکی حاله رعایت وقوف زمانی دیمکدر .

مابعدی وار

خواجہ زادہ احمد حلیمی